

明史稿
衡云山人集

明史稿
衛云山人集

南疆繹史勘本卷二十八目錄

雲川溫氏原本

古高易氏勘定

列傳卷二十二

太湖陸世鑰

吳易

吳鑑

孫兆奎

沈自炳弟自駒

華京吳旦趙汝珪周瑞

茹畧文

李總兵闕名

任源遠吳福之徐安遠

長興金有鑑王士麟岑元泰

徐昌明

姚志倬

張起芬

海寧俞元良

嘉興屠象美

陳梧

錢棟

鄭宗葵

吳興朱生埏

右太湖浙西義兵列傳第二十二◎案爾時長

白蕩未涇四保滙等處揭竿聯寨出沒無定每

以助餉名殷戶率遭剽斂黠者輒豫賄免湖道

梗塞久與官軍持是江南一劫也嘉興之徒初

無可觀惟長興金姚兩路與湖兵相嚙應原本

錯落茲以吳江孫烈士傳證諸

南疆釋史勘本卷二十八

列傳二十二

陸世鑄吳郡諸生字兆魚以財雄于洞庭東湖國變後散財募士保障鄉里蘇州既降約福山副總兵魯之璵率衆薄城焚堞以入之璵戰敗死鑄乃遁歸時湖傍諸生沈自徵亦任俠自負預備非常造漁船千艘匿于湖自徵死其弟中書舍人自炳諸生自駟收其船以集兵主事吳易因之起易字日生吳江人生有膂力跡弛不戰崇禎癸未進士不謁選福王立見

史可法於揚州奇其才題授職方主事留之監軍乙酉奉檄徵餉未還而揚州失六月大兵徇吳江縣

丞朱國佐以城降諸生吳鑑字子儀欲起兵誅之會黃蜚兵至自無錫鑑喜徒手入縣庭罵國佐國佐執送蘇州郡守詢其黨抗聲曰孔子孟子張睢陽顏平原是也何間爲遂殺於胥門學士街易聞而哀之率衆擒國佐授鑑父汝廷令殺以祭鑑於是與舉人孫兆奎諸生華京吳旦及沈陸蜚謀舉兵旬日中得千餘人屯長白蕩出沒五湖三泖間多所殺傷道路爲

梗大兵之初至也未習水戰易使部卒狎於水者
雜入農民散處湖畔大兵將濟取民舟索人操之
前散處者咸集乃棹至中流鑒沉之波溺無算是時
部郎王期昇吳景亶等起兵西山克長興然兵不及
易強多棄之歸易唐王聞之授兵部右侍郎兼右僉
都御史總督江南諸軍兵部侍郎楊文驄奏易斬獲
多進爲兵部尙書封忠義伯魯監國亦授易兵部侍
郎長興伯八月總兵吳勝兆以舟師至旣敗葛麟盧
象觀等軍引兵追易二十四日出戰塘口奪勝兆舟

二十次晨大雨不設備爲勝兆所襲大敗易子身走
父承緒妻沈及女皆投水歿一軍盡殲華京先驅妻
子入水格殺數人卒與大兵搏戰相持不釋同溺
歿自炳及弟自駟吳旦趙汝珪等皆戰歿自炳字君
晦自駟字君牧旦字爾赤汝珪字子玉京字北興皆
諸生中之有志行知名於時者也兆奎兵敗將走慮
易妻女遷延或被辱視其赴水然後行遂爲追者所
獲械至江寧見總督洪承疇大言曰崇禎時有一洪
承範督師敗績身歿封疆先帝親祭十三壇爲文哭

之今而又一洪承疇爲一人耶兩人耶承疇曰咄爾
無問一人兩人也爾自爲一人事可耳驅出斬之時
義旗四列多肆劫掠惟世鑰毀其家以充餉勅勒部
下妄掠一錢者罪必死故其軍獨攝靜兵敗爲僧去
明年春吳江人周瑞字曼青復聚衆長白蕩官兵討
之敗八百人皆死軍聲遂振迎易入其營已而入孫
璋家欽偵者知之猝引大兵至易與瑞並獲殺于
杭州草橋門璋父子亦死易部將茹畧文字振先餘
姚人驍勇善戰少從軍長興爲千人長浙西旣降畧

文攜壯士千餘人入太湖從徐雲龍破長興屢戰有功雲龍歿乃歸易易優禮之奏授總兵每持長矛突陣八月之敗畧文手斫數十人身被十餘鎗血盡而仆兵猶疑其佯歿連刃之兵去稍甦捧其頭以走至潯溪休于野廟廟祝見而識之曰子非茹某耶持之泣傳以良藥百日愈間行至長興訪母及妻子無一存矣丙戌正月又從軍于麻湖與大兵戰所殺過當援絕乃亡其將周志韜衝圍出收餘衆目保魯王遙授爲參將明年夏兵敗赴水歿

勘本曰讀明史彙於沈氏之序作自騶自炳皆諸
生當譌而偕事者有吳福之之名其行實又畧不
載以佚史總兵李某傳較之決非也當從溫氏所
言爲準今勘本以福之事移纂吳稚山宗伯傳後
庶幾無間體裁

太湖間與易同起兵而別分一路者有總兵官李某
失其名與居諸生任源遂吳福之徐安遠等皆附焉
源遂深沉有大畧見所在起兵往來游說求可與成
事者皆不當意喟然曰天下事遂無可爲乎我視諸

南華經卷之四
軍皆見戲耳及福之起兵約源遂同就李氏始合軍
屢與大兵戰越三月兵潰總兵官李自刎歿源遂
被執至溧陽當事命之跪曰若非明臣耶見我不愧
然而尙欲屈我乎當事言子尙年少盍姑待之源遂
曰汝惟有待故至此我何待速歿耳福之聞中禮部
尙書鍾繹子自書絕命詞於衣衿間投湖歿安遠字
世珍武進人被擒說之降不屈乃見殺妻楊氏妾惠
香皆歿之

金有鑑長興人字改玉有膂力乙酉六月率里人許

昇沈昇沈士弼金艷色等奉通城王盛激爲號自署
總兵一戰拔湖州據守十餘日聚衆萬餘進攻長興
不下吏員王士麟引兵會之再攻再敗士麟且戰歿

十月有鑑戰於呂山盛激遣金琪宇毛蜚卿率兵二
千來助復不克尋遣總兵賈應龍楊象觀吳永昌叅
將金鈞鹿等合軍奪城復大敗回至梅溪盛激弟盛
滌被圍急有鑑單騎援之身中七矢遂收健卒數十
人間走宜興山中與岑元泰保守山寨大兵逼三
戰三北及明年正月復攻長興有鑑元泰俱陷陣歿

徐昌明字闇本初入盧象觀軍署爲監紀推官旣敗奔四安山與有鑑合軍亦歿于長興西門

是夏閏六月長興有姚志倬者字子求錢唐人與叅將方元章誓義舉兵以張起芬爲將破餘杭走於潛戰敗志倬逸去元章歿之明年丙戌冬合餘衆取江山又不利遂遁入括蒼山中旣而出懷玉山其兄志元訛稱志倬已降因得脫而志元被俘乃走依詹兆恒同破永豐其後遷徙無常至乙未冬入海攻崇明歿于陣浙東封仁武伯起芬被執至杭挫辱不屈懇

之樹間射殺之平生不讀書刑訊時有詩云頭能過
鐵身方顯死不封泥骨亦香

海寧俞元良字綬穀崇禎進士浙東旣奉魯王監國
畫江而守熊汝霖獨以數百人渡海襲海寧士民迎
者以萬計汝霖欲據一人爲主兵時杭州搢紳之士
避地居此於其至也咸來問訊汝霖因敷陳大義頗
有感動然多首鼠持論者元良慨然曰事豈公一人
事哉元良敢獨後遂任守城尋敗沒

大兵之下浙江也傳檄而定兵不血刃郡縣皆置官

吏矣閏六月令下薙髮嘉興民猝起不期而會者數千人殺秀水知縣胡之臣嬰城拒守推翰林屠象美主其事象美嘗飭令備兵者也迎鎮將陳梧爲帥主事錢棟毀家充餉吏部尙書徐石麒亦受盟然皆文士不知兵兵卒多市井子甲仗器械且不備大兵在杭聞報遣數百騎襲之城上聞笳角聲已膽落陳梧率衆禦諸三塔灣大敗象美出走亂民追殺之頃有諸生鄭宗彝字雪舫祖臂呼市上集者復千人復與守者十又六日後餉不足里民不便潛通款於我

營引兵擊殺之城陷遂被屠宗彞與弟宗琦戰歿一
門俱自盡石麒麟自縊錢棟殺於湖

勘本曰鎮將陳梧字膚公上虞人官都督僉事定
遠將軍嘗奉命西征擁兵蛟關後入舟山戰敗歿
以上諸傳皆與太湖兵同時起義者也

按吾郡吳江舊縣志載有施世傑者字賓王爲故
明諸生著酉戌襍記今已軼選嘗於同里顧氏見
所鈔記中孫烈士傳於湖兵之起訖最詳惟吳易
之易作曷按諸史冊皆非也今節其傳之大凡以